

Gvangjsih Minzcuz Bau

广西民族报 ganhhau: CN45-0036 B.2021 Nd.3 Ng.10 liggaeuq sincouj nienz ndwencieng ngeihcaet

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzcuz Bause
Geizsoq: Gungh daih 3464 geiz
Geiz neix 8 banj

Daengx Guek "Song Hoih" Youq Baekging Hai

3 nyied 4 hauh, 5 hauh, Aen Hoih Cunghgoz Yinzminz Cwngci Hezsangh Veiyei Gaiq Cibsam Daengx Guek Veijyenzvei Baez Hoih Daihseiq, Aen Hoih Gaiq Cibsam Daengx Guek Yinzminz Daiyauj Daihhoih Baez Hoih Daihseiq gonqlaeng youq Yinzminz Daveidangz heijdaez hai. Mwh heijdaez hai song aen hoih neix, doengh bouxdaez dangj caeuq guekgya Siz Ginbingz, Lij Gwzgyangz, Liz Cansuh, Vangz Huningz, Cau Lozci,

Hanz Cwng, Vangz Gizsanh daengi cungj youq cujsizdaiz naengh.

Vangh Yangz daiyauj Cwnghez Gaiq Cibsam Daengx Guek Veijyenzvei Cangzvu Veijyenzvei, lwnh hongsaeh hawj baez hoih Cwnghez neix. Gozvuyen cunglij Lij Gwzgyangz daiyauj Gozvuyen lwnh hongsaeh cwngfuj hawj baez hoih Yinzda neix. Ndaw baugau de faen baenz sam aen bouhfaenh, baudaengz ngeuxyawj hongsaeh bi' gvaq, gij

hongbaenz duenh "cibsam haj" hwngfat aeundaiej caeuq gij hongsaeh daeuz duenh "cibseiq haj" aeu guhbaenz de caeuq gij hongsaeh daeuz bineix.

Duenh hai "song hoih", 2100 lai bouxveijyenz Daengx Guek Cwnghez cungj hopheux gij dajsuenq Cunghgung Cunghyangh, comz rengz guh hongsaeh baenzlawz dinghndeij caeuq ciuqhengz gij suenqveh "cibseiq haj", byaij yamq maenhdt dawz ndei diuzrap bonjfaenh, gaenxmaenx ok

geiqmaeuz coengh guh hongsaeh cwngci, gak baih doxcomz caezhoz baenz boux ndeu, gyonj baenz gij dungxcaiz caeuq goengrengz hoenx ciengz ciengq gizgiz cungj hwnqguh aen guekgya sevei cuji yendanva de ndaejhingz moq. Gyawj 3000 boux daiyauj Daengx Guek Yinzda dawz gij vahdaengq lwgminz naekgwd de bae camgya hai hoih, dawz ndei diuzrap yenfaz caeuq fapldw dingh hawj de. (ciuq《Yinzminz Yizbau》)



Lungzswng: Hag Leiz Fungh Gagnyienh Fugsah Vunzlai

3 nyied 5 hauh, Lungzswng Gak Cuz Swciyen guh aen hozdung seizdaih moq saedguh vwnzmingz dawz "vwnzva, gohgi, veiswng, fapldw" roengz mbanj caeuq hag Leiz Fungh gagnyienh fugsah vunzlai. Comz daengx yienh 32 aendoih gagnyienh fugsah 120 bouxgagnyienh yienj vwnzyi, yawjbingh ywbingh, han vunz cam fapldw, senhconz gohbuj, fei gyauej daengi, okrengz fugsah vunzlai, miz 1000 lai vunz ndaejleih. Ndaw doz dwg doengh boux gagnyienh fugsah de yienj cezmuz hawj vunzlai yawj. (Banh Cisiengz)

Bouxdaibyauij Daengx Guek Yinzda Banh Cunghbwz:

Hawj Vunzlai Cungj Nyinh Cunghvaz Minzcuz Caezcaemh Dangq Sienqmeh Hwnqguh Ndei Gvangjsih Aen Gih Yienghbanj Minzcuz Doxgiet Baenaj

Bonjbauq siusik (gicej Liengz Cingz) Hawj vunzlai cungj nyinh Cunghvaz Minzcuz caezcaemh dwg diuz sienqmeh youq seizdaih moq guh hong minzcuz, bi' gyai, bi' gvaq, bineix sam bi doxriengz ndaw 《Cwngfuj Gunghcoz Baugau》 raiz "hawj vunzlai cungj nyinh Cunghvaz Minzcuz caezcaemh" hauej ndaw dajsuenq hong minzcuz daengx bi. Bineix dwg bi hwnjdin duenh "cibseiq haj", youq mwh seizdaih moq heijdaez, Gvangjsih Minzcunghveij baenzlawz youq bineix bingzciengz guhhong ndawde hawj vunzlai cungj nyinh Cunghvaz Minzcuz caezcaemh? Hopheux aen

vahdaez neix, gicej cam le bouxdaibyauij Daengx Guek Yinzda, Swcigih Dangjveij Dungjcanbu fubucangj, Swcigih Minzcunghveij Dangj-cuj suhgi, cujyin, Swcigih Minzyijveij cujyin Banh Cunghbwz.

"Youq bimoq neix, raeuz yaek ciuq Aen Swhsienj Sevei Cuiji Miz Daegsaek Cungguek Seizdaih Moq Siz Ginbingz vixyinx, hag lai laeg ngeix lai doh gij vah youqgaenj Siz Ginbingz gangj baenzlawz guh hong minzcuz de, youq seizdaih moq guh hong minzcuz, aeu hawj vunzlai cungj nyinh Cunghvaz Minzcuz caezcaemh, dangq neix baenz diuz sienqmeh caeuq aen

yinvu baenz canloz ndeu." Banh Cunghbwz naeuz, "It dwg guh ndei hong hagrox, senhconz, ciuqhengz 《Aen Diuzlaeh Hong Dungjiyiz Cansen》, gyaak dangj gyonjcomz doengjit daiqlingx hong minzcuz. Ngeih dwg yungh ndei 'gaiqfaex vixyinx' couhdwg dagrau hongbaenz cienhangh guh minzcuz doxgiet baenaj de, hwnqguh Gvangjsih aen gih yienghbanj minzcuz doxgiet baenaj neix lai ndei. Sam dwg laebhwnj aen gihei guhhong caemhcai hawj de caezcienz, fuengzre vaqgej gij fungyiemj caeuq huqhah ndumj ndaw hongsaeh minzcuz."

SIUSIK DINJ

● 3 nyied 5 hauh, aen hozdung gyonjcomz guhyienh guh ndwen daengx gih hag Leiz Fungh gagnyienh fugsah vunzlai de youq Vuzcouh (hoihciengz daeuz) heijdaez, 13 aen si wng hix caemh seiz banh aen hozdung gyonjcomz guhyienh (hoihciengz iq).

(Banh Dwng)

● 3 nyied 4 hauh, Swcigih Vwnzva Caeuq Lijyouz Dingh, Gvangjsih Gvangjbo Densidaiz guhdoi h guh aen yizsiz heijdaez guh hozdung angqhoh Cunghgoz Gungcanjdangj laebbaenz bak bi doigvangq Gvangjsih gij sienqloh ndei lijyouz hagsib gwzming de, fatok 10 diuz sienqloh doi hawj vunzlai.

(Vuz Libingz)

● Geij ngoenz doxgyawj neix, Swcigih Cwngfuj Ban-gunghdingh fat 《Aen Dunghcih Gvendaengz Yamq Maenh Guh Ndei Hong Bineix Dajndaem Haeuxgwn》, dingh bineix daengx gih dajndaem 4215 fanh moux haeuxgwn, aeu soundaej 1373 fanh dun, bineix gak si najdieg dajndaem caeuq soundaej haeuxgwn aeu beij bi' gvaq lai.

(Cinz Cing)

● Bineix, Nanzningz Si Gyanghnanz Gih haihong guh 21 aen hanghmoeg moq, gungh roengz 148.64 ik maenz, guh 28 aen hanghmoeg gaeuq, gungh roengz 497.78 ik maenz, guhsat caemhcai ndaej yungh 7 aen hanghmoeg, gungh roengz 25.97 ik maenz.

(Goh Cauhczenz)